

Garðabæ, 19.05.2020

Umsögn frá Heimasjúkraþjálfun, félagi heimasjúkraþjálfara á höfuðborgarsvæðinu (Heimasjúkraþjálfun).

Það er fagnaðarefni að nú hafi litið dagsins ljós drög að endurhæfingarstefnu á Íslandi. Það er sannarlega kærkomið að sjónum sé beint að þessum ómissandi hluta af heilbrigðiskerfi okkar.

Við viljum, á sama tíma og við fögnum þessum drögum, gera athugasemdir við það að endurhæfing í heimahúsum á höfuðborgarsvæðinu er sögð einungis framkvæmd af teyllum sem starfa í Heimaþjónustu Reykjavíkur og Heimahjúkrun Heilsugæslu höfuðborgarsvæðisins. Það teljum við ekki vera rétt því það eru 17 sjúkraþjálfarar sem starfa í félaginu okkar og eru í samvinnu við heimahjúkrun, heimaþjónustuna, heilsugæsluna og Landspítalann. Þar að auki er heimasjúkraþjálfun og endurhæfing í heimahúsum sinnt frá sjúkraþjálfunarstofum á landinu. Félagar í Heimasjúkraþjálfun hafa s.l. 30 ár unnið að endurhæfingu í heimahúsum og unnið þverfaglega eins og kostur er. Þannig hafa þeir fylgt þeirri þróun sem hefur orðið á þessum áratugum í endurhæfingu í heimahúsum á landinu.

Endurhæfingarteymin í Reykjavík, sem nýlega voru sett á laggirnar, hafa haft skerta mönnun af háskólamenntuðu heilbrigðisstarfsfólki og sem dæmi má nefna þá vantar í teymið lækni, sjúkraþjálfara, félagsráðgjafa og sálfræðing. Það teljum við vera ófullnægjandi og skilar sér í takmarkaðri þjónustu.

Að þessu sögðu þá teljum við stofnun endurhæfingarteyma í heilsugæslunni sé framfaraskref en það þarf að vera mannað af háskólamenntuðu heilbrigðisstarfsfólki á sviði endurhæfingar, þar sem sjúkraþjálfarar gegna lykilhlutverki. Við teljum að samstarf við Heimasjúkraþjálfun sé að sama skapi algjört lykilatriði til þess að nýta þá reynslu sem nú þegar er til í samfélaginu. Til að það sé gerlegt þarf fjármögnun þessara teyma að vera þannig að laun verði samkeppnishæf og að hæft fólk fái til starfa. Við erum sammála nefndinni að stofnun þessara teyma sé lykilatriði og því afar brýnt að stofnun teymanna verði vandlega undirbúin og nauðsynlegt fjármagn fylgi.

Með vinsemd,

F.h. stjórnar Heimasjúkraþjálfunar

Guðfinna Björnsdóttir MSc

formaður